

Morning Dogri (NSD) Bulletin 20-08-2025

आकाशवाणी

पैहले इस बेल्लै दियां खास-खास खबरां:-

- भारत ते चीन सिद्दी डोआरी परतियै शुरू करने ते नमैं सिरेया तयार हवाई सेवा समझौते गी अखीरी रुप देने उप्पर सहमत होई गे न।
- प्रधानमंत्री नरेन्द्र मोदी होरें गलाया जे स्थिर रचनात्मक भारत-चीन सरबंध क्षेत्रीय ते वैश्विक शांति लेई अत लाजमी ऐ।
- विदेश मंत्री डाक्टर एस. जयशंकर होर अज्ज 26मीं भारत-रुस अंतरा सरकारी बैठक दी सह-अध्यक्षता करगंन।
- NDA दे मेदवार C.P. Radhakrishnan होर अज्ज उप-राष्ट्रपति पद लेई अपना नामांकन पत्र दाखल करगंन। विपक्षी नै बी. सुदर्शन रेड्डी होरें गी मैदान च खड़ेरेया ऐ।
- महाराष्ट्र च हाड़ करी 21 लोकें दी मौत, मौसम विभाग नै गुजरात, गोआ ते तटीय महाराष्ट्र लेई रेड-अलर्ट जारी कीता ऐ।
- ते रश्मिका सैहगल होरें कजाकिस्तान च 16मीं एशियाई निशानेबाजी च सुन्ने दा तगमा जितेया ऐ।

<><><><><><>

Chinese FM Visit

भारत ते चीन तौले शा तौले, चीन ते भारत बश्कार सिद्दी हवाई डोआरी आहली सेवा बहाल करने ते नमैं सिरेया तय हवाई सेवा समझौते गी अखीरी रुप देने उप्पर सहमत होई गे न। दवै पक्ष नमीं दिल्ली च चीनी विदेशमंत्री Wang Yi ते विदेश मंत्री डाक्टर एस. जयशंकर हुंदे बश्कार दपक्खी वार्ता दौरान इस समझौते उप्पर पुजे। बैठक दौरान दवै पक्षें सांझा हिते दे दपक्खी क्षेत्रीय ते अंतराष्ट्रीय मुद्दें उप्पर सकारात्मक ते रचनात्मक चर्चा कीती।

<><><><><><>

PM- Wang Yi

प्रधानमंत्री नरेन्द्र मोदी होरें गलाया ऐ जे भारत ते चीन बश्कार स्थिर ते रचनात्मक सरबन्ध क्षेत्रीय ते वैश्विक शांति ते समोध च महत्वपूर्ण योगदान देगंन। प्रधानमंत्री होरें भारत चीन बन्ने पार शांति बनाये रक्खने दे महत्व उप्पर जोर पाया ते सीमा विवाद दे निष्पक्ष ते सेई हल लेई भारत दी प्रतिबद्धता गी इक बारी परतियै पक्का किता। प्रधानमंत्री होरें कल नमीं दिल्ली च, चीनी विदेश मंत्री वांग-यी हुंदे कन्नै मलाटी मगरा एह गल्ल आक्खी। यीं होरें तियानजिन च आयोजत होआ रदे शिंघाई सहयोग संगठन SCO शिखर सम्मेलन लेई प्रधानमंत्री होरें गी, चीनी राष्ट्रपति शीं जिनपिंग हुंदा सनेया ते साद्दा सौंपेया। प्रधानमंत्री होरें पिच्छले बरे कजान च राष्ट्रपति शीं हुंदे कन्नै अपनी बैठक मगरा, दपक्खी सरबन्धें ते होई दी स्थिर ते सकारात्मक प्रगति दा स्वागत कीता, जेड़ा कैलाश मानसरोवर यात्रा दी ब्हाली सनें पारम्परिक सम्मान, हित ते संवेदनशीलता उप्पर आधारत ऐ।

<><><><><><>

Jaishankar-Russia

विदेशमंत्री डाक्टर एस. जयशंकर होर अज्ज बपार, आर्थिक, वैज्ञानिक, तकनीकी ते सांस्कृतिक सहयोग उप्पर भारत-रुस अंतर-सरकारी आयोग दे 26में सत्र दी सह-अध्यक्षता करगंन। डाक्टर जयशंकर होर मॉस्को च भारत-रुस बपार मंच दी बैठक गी बी सम्बोधत करगंन। विदेशमंत्री होर रुस दी त्रंऊ-रोजा अधिकारिक यात्रा उप्पर कल संजा मॉस्को पुजे। यात्रा दौरान विदेश मंत्री, रुसी विदेश मंत्री सर्गेई लावरोव हुंदे कन्नै बी मलाटी करगंन ते दपक्खी एजेंडें दी समीक्षा करगंन ते क्षेत्रीय ते वैश्विक मुद्दें उप्पर अपने सुझा सांझे करगंन। इस यात्रा दा उद्देश्य भारत-रुस विशेष ते विशेष अधिकार हासल रणनीतिक सांझेदारी गी होर मजबूत बनाना ऐ। जयशंकर हुंदी यात्रा राष्ट्रीय सुरक्षा सलाहकार अजीत डोवाल हुन्दी हालिया मॉस्को यात्रा मगरा होआ रदी ऐ, जित्थे उनें रुसी राष्ट्रपति व्लादीमीर पुतिन, पैहले उप-प्रधानमंत्री Manturov ते सुरक्षा परिषद दे सचिव सर्गेई Shoigu हुंदे कन्नै चर्चा कीती ही।

<><><><><><>

PM- Gaya Project

प्रधानमंत्री नरेन्द्र मोदी होर इस महीने दी 22 तरीक गी बिहार दे गया च औंटा सिमरिया पुल दी परियोजना दा उतघाटन करगंन। एदे तैहत गंगा नदी पर बने दा

लगभग 2 किलोमीटर लम्मे पुल राएं पटना जिले दा मोकामा, बेगुसराय कन्नै सिद्धे तौर पर जुड़ी जाग। ए पुल 2 गड़ियें दे इक्कै बेल्लै लंघने जोग, पराने पुल राजेन्द्र सेतु दे कन्नै सीद च बनाया गया ऐ। नमें पुल कन्नै उत्तर ते दक्खन बिहार बश्कार दूरी गी सौ किलोमीटर तक्कर घट्ट कीता जाग। प्रधानमंत्री नरेन्द्र मोदी होरें इस परियोजना दा नीह पत्थर 2017 च रक्खेया हा।

<><><><><><>

NDA

राष्ट्रीय जनतांत्रिक गठबंधन NDA दे उप-राष्ट्रपति पद दे मेदवार C.P. राधाकृष्णन होर अज्ज अपना नामांकन दाखिल करगंन। NDA दे सब्भने नेता नामांकन दाखल करने दी प्रक्रिया च हिस्सा लैगंन। कल नमीं दिल्ली च होई दी NDA संसदीय दल दी बैठक दौरान प्रधानमंत्री नरेन्द्र मोदी होरें NDA दे उप-राष्ट्रपति पद दे मेदवार C.P. राधाकृष्णन हुन्दा परिचय कराया ते उनेंगी बधाई दिती। बैठक मगरा मीडिया गी जानकारी दिंदे होई केन्द्रीय संसदीय कार्यमंत्री किरन रिजिजू होरें गलाया जे प्रधानमंत्री मोदी होरें, विपक्ष सनें सब्भने सांसदे गी उनेंगी सब्भने दी सहमति कन्नै चुनने दी अपील कीती ऐ। तोंआई विपक्षी भारतीय राष्ट्रीय कांग्रेस INDI नै उप-राष्ट्रपति दे चुना लेई सुप्रीम कोर्ट दे साबका न्यायधीश B. Sudershan रेड्डी होरें गी अपना मेदवार बनाया ऐ। उप-राष्ट्रपति दा चुनां अगले मीहने दी 9 तरीक गी होग। कल एहदे लेई नामांकन भरने दा अखीरी ध्याड़ा ऐ ते नामांकन पत्रे दी जांच 22 अगस्त गी होग, जदके 25 अगस्त तगर नामांकन वापस लैते जाई सकदे न।

<><><><><><>

Maha Rain

महाराष्ट्र च बरखा ते हाड़ करी पिच्छले 4 दिन च 21 लोकें दी मौत होई गई ऐ। मुम्बई ठाने, पालघर, कोंकण ते राज्य दे होरनें कैई हिस्से च 4 दिनें थमां लगातार बरखा होआ रदी ऐ। हाड़ करी नादेड़ जिला सब्भने थमां मता प्रभावित होआ ऐ, उत्थे एदे करी 8 लोकें दी मौत होई गई ऐ। मुम्बई च रिकार्ड 300 मिलिमीटर बरखा होई ऐ जेदे करी आम-जनजीव पर असर पेया ऐ। मौसम विभाग नै अज्ज विदर्भ क्षेत्र आस्तै रेड अलर्ट जारी कीता ऐ। पुणे ते मुम्बई बश्कार सारियां रेलगड़ियां अगले हुकमे तक्कर स्थगित रक्खियां गेइयां न। ठाने ते रायगढ़ल जिलें च स्कूले ते कालेज अज्ज

बंद रौहगंन। पाटन, जावली, महाबलेश्वर, सतारा ते कराड़ च अज्ज ते कल सारे प्राईमरी स्कूल बंद रौहगंन। इनें इलाके आस्तै Orange Alert जारी कीता गया ऐ।

<><><><><><>

IMD Weather

मौसम विभाग नै गुजरात, गोआ ते महाराष्ट्र दे तटीय इलाके च अज्ज बड़ी मती बरखा पौने दा Red Alert जारी कीता ऐ। जम्मू-कश्मीर , उत्तराखंड, हिमाचल-प्रदेश ते पूर्वी राजस्थान च अगले 2 थमां 3 दिनें च तेज बरखा पौने दा पेशगोई कीती गई। इससै चाली दे हालात मध्य-प्रदेश, सिक्किम, छत्तीसगढ़ ते उप-हिमालय, पच्छिम बंगाल च अगले 7 दिनें तोड़ी बने दे रेई सकदे न। कर्नाटक दे तटीय इलाके ते तेलंगाना च अज्ज बी तेज बरखा पौने दी शेंका ऐ। दिल्ली NCR ते एदे आले-दोआले दे इलाके च कल तोड़ी हलकी बरखा पौने दी संभावना जताई गई ऐ।

<><><><><><>

Asian Shooting Gold

कजाकिस्तान च 16मीं एशियाई निशानेबाजी प्रतियोगिता च कल भारत दी रश्मिका सैहगल नै सुन्ने दा तगमा जितेया। ए इस प्रतियोगिता च व्यक्तिगत मुकाबले च भारत दा त्रीया सुन्ने दा तगमा प्रतियोगिता च कोरिया दी हान सियू-गयून नै चांदी दा तगमा जितेया। एदे थमां पैहले मनुभाकर नै महिलायें दी 10 मीटर एयर पिस्टल मुकाबले च त्री थाहर हासल करियै इक होर अंतराष्ट्रीय तगमा जितेया ऐ।

<><><><><><>

Cricket

महिला क्रिकेट विश्व कप-2025 ते आस्ट्रेलिया दे कन्नै इक-रोजा श्रृंखला लेई, भारतीय महिला टीम दी घोषणा होई गई ऐ। टीम दा नेतृत्व हरमनप्रीत कौर होर करगंन, जदके समृति मधांना उप-कप्तान होगंन। महिला विश्वकप दी शुरुआत 30 सितम्बर गी होग। तोंआई एशियाई कप-2025 लेई भारतीय मर्दे दी टीम दा ऐलान बी होई गया ऐ। टीम दे कप्तान सूर्य कुमार यादव ते उप-कप्तान शुभमन गिल होगंन। एह टूर्नामैन्ट 9 सितम्बर थमां शुरु होग।

<><><><><><>

U20 Wrestling C'ships

बुलगारिया दे Samokov च चला रदी Under-20 विश्व कुश्ती चैम्पियनशिप च पहलवान Sumit Malik गी मर्दे दे 57 Kilogram वर्ग च रुस दे Magomed शा 5-8 कन्नै हराइयै चांदी दे तगमे कन्नै गै संतोष करना पेया। महिलायें दी खेड्ड च सृष्टि नै 68 किलोग्राम वर्ग दे सैमीफाइनल च जर्मनी दी Laura Koehler गी 7-3 कन्नै हराइयै फाइनल च अपनी थाहर पक्की करी लेई।

<><><><><><>